

近代中國史料叢刊第四十一輯

沈雲龍主編

敬鄉筆述

徐士鑿撰

文海出版社印行

鼓

鞀

箏

瑟

好聖力何難國好臣
哉此用古法
徐子論國難版

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



徐沅青先生遺像



其容藹藹其性肫肫
文章道德坊表後人

新建蔡可權題
遵化李 鴻書

天津徐沅青先生小傳

君姓徐諱士鑾字苑卿一字沅青天津人祖諱炆乾隆
癸卯副榜貢士老而勸學卽世所稱徐朗齋先生也君
克繩祖武學古有穫少從同邑楊香吟先生治舉子業
咸豐八年舉於鄉十一年官內閣中書旋擢典籍累遷
侍讀記名御史士大夫多慕其治事勵行樂與之遊同
治十一年出守台州居九年政績平易台民頌弗衰光
緒七年引疾歸里年纔四十九壹志勤著述每輟稿必
就正楊先生猶昔年執經侍坐時也喜探討掌故內閣

題名皇朝謚法考皆有續纂摘趙宋一代故實爲宋豔
十二卷俾後之學者不以情欲之私害禮義之正又著
醫方叢話八卷闡古人立方精意以濟病者博集周景
王以來迄唐咸通貨幣爲古泉叢考四卷錄鄉黨遺聞
佚事爲敬鄉筆述八卷敬恭桑梓結撰尤精文鈔一卷
詩鈔五卷均以蝶訪居名以太常仙蝶會兩至其居乃
別輯仙蝶圖詠二卷蓋於太常仙蝶有夙緣云宣統三
年國步改時君年七十有九巖阿養晦憂心殷殷文酒
酬酢頽然寡歡年八十有三卒

天津徐沅青先生小傳

徐君諱士鑾字苑卿又字沅青天津人
貢士徐公朗齋諱焮者好讀書終其身
之祖考也君嘗受業同縣楊香吟先生
中規度舉咸豐八年鄉試十一年入
補官陞典籍再陞侍讀記名御史同治
州光緒七年引疾歸始君仕京師與
諸名皇朝諡法考皆有緒
討故事內閣題名
甫四十九益潛心著述時楊先生以老

徒甚盛君有撰著輒就質疑先生以義廣之亶亶受教無異昔年在塾時故君嘗以門弟子領袖自居君以爲生人情欲之私最足敗名墮節值讀宋史遂刺取書中故事條舉類證而規之以先正法言旣自儆亦使人戒爲宋豔十二卷又仿陸宣公忠州故事冀以方劑活人爲醫方叢話八卷搜集歷代貨幣始周景王迄唐咸通博引精斟爲古泉叢考四卷手錄天津遺聞裒然成冊爲敬鄉筆述八卷其所著集爲蝶訪居文鈔一卷詩鈔五卷蝶訪居者因太常仙蝶以名其齋故又輯仙蝶圖

詠二卷君歸田後歷三十年之久未嘗與文籍相違以是所撰述富而致力尤勤者則在敬鄉筆述一書懼遺文之散亡懲舊志之罅漏凡事涉文獻雖片詞隻字罔不什襲鈔存往往拾一墜聞歡若獲寶至於剖析義法糾正瑕疵則嚴如酷吏直如諍友於前人之書不少貸焉蓋自鄉人蔣君雄甫後視斯事如性命者君一人而已二十六年兵燹文會渙散楊先生亦沒君失所放齒衰世亂意興頽然宣統三年年七十有九值國體變益難爲懷越四年卒

高凌雯曰吾聞台州號稱難治故徐君作郡未嘗有赫赫之名然亦無墮行獨其殫心鄉故窮搜富積以餉後人其功未可沒也余纂縣志至宣統辛亥年止其時君尙在例不立傳今沒十餘年矣恐其遂卽於湮也爲掇其事行如此

敬鄉筆述序

詩曰惟桑與梓必恭敬止孔子言夏殷之禮而歎其無
徵特以文獻不足故則文獻有關於鄉黨也豈淺鮮哉
津邑爲畿輔近地文物爲他州縣冠始有衛志繼有縣
志縣志之續修也則在咸同間維時世變迭出傳聞互
異纂述之餘不無譌舛闕略於此欲以信今傳後不可
無以釐正之而吾人誤述於其所譌所闕者須於抑揚
輕重之間隨在以定所歸不可有與前人爲難之見將
使人更有以議我也徐子沅青敬鄉筆述八卷訂譌補

闕務求詳盡不使後人一誤再誤厥功甚鉅矣且北方風氣不尙標榜不務聲華鄉前輩老成典型率皆醞謹自守無詐無虞非必有卓絕大過人處而述其生平言行不苟足爲人所矜式者正不乏人如略而弗書將所謂十室之邑必有忠信謂之何哉庸行也實爲至行是在有識者表而出之一任歧途煽惑卒能守正不阿我行我素俾見異思遷之士或有所悔悟不至苟於目前頓改故步此卽載筆者所厚望也至編中所紀孝義節烈則又就其所見所知者詳爲訂正務使其人其事久

而可攷其審慎鄭重之心尤足以勵人心而表潛德統
觀八卷有典有則不蔓不支夫豈舍其大取其細徒供
人之瀏覽已哉

光緒二十四年戊戌閏三月庸叟楊光儀

時年七十七

天津縣新志 藝文

敬鄉筆述八卷

徐士鑾撰士鑾字沅青見徐烜傳士鑾中歲歸田
潛心撰述尤以鄉邦掌故爲重凡有關於文獻者
雖片詞隻字罔不手錄輯存以備後來再修縣志
及續纂津門詩鈔之助凡二書所闕者補之譌者
正之徵引繁富而附以己見頗類考訂家言士鑾
素不滿意於同治續志時有指摘分見各篇更羅
列錯漏者數十條彙爲一卷繩愆糾謬殆吳氏之

諍友也

敬鄉筆述

凡例

一是編所輯軼事遺詩就余所見謹爲錄存用備再修邑志續集津門詩鈔採擇至人物曾否列入邑志詩章有無見諸詩鈔卷內皆分別敘明惟寄籍僑寓者概不闕入

一是編無體例錄存所見有可攷證者隨檢各書攷證未能查出者注明再攷謹於繕寫清本時略加排次列女另編前六卷所輯悉取政事文學忠義

孝友貞烈之足傳者蓋宗浦陽人物記之意

一是編第七卷彙紀也就載籍所見及近事所知者紀之因皆有闕邑志並於名宦建置紀略一則後附紀公舉善舉義舉等事然第略誌名目以其有官冊在也

一是編辨證續邑志處隨所見攷校卽爲揭出不僅第八卷所臚列也其未經勘出攷證者正恐尙多鄉賢人物應補入者知仍不少與夫軼事遺詩之可傳者嗣有所見謹當隨時筆紀彙爲續編

敬鄉筆述目錄

卷一

牛見垣兄弟中翰

牛中翰彝

牛師竹祖孫中翰

王觀濤侍御一則

孫又深孝廉

朱義玉徵君

沈影村封翁德政

徐北山封翁義舉

邵朗巖司業

金茂才甌

梁湯作明府

周紫昂中丞

王鶴舟太守

鮑雙五贈牛太僕詩

周大迂明經

楊無怪孝廉

華春浦明府 附華梅莊學博

齊秋帆觀察

卷二

周南橋別駕

吳景韓封翁詩

徐鑿三封翁詩

徐雪厓太守詩

張公度二尹詩

四老人詩

五老人詩

附周衣亭太史

耆飲昇平冊序

耆飲昇平冊贊

耆飲昇平冊跋

周月東硯事拾遺

龍東溟處士詩集

俞厚安軍門詩

牛次原太僕詩

吳念湖太守收藏

戴虛舟老人

本草綱目卷之五

三

敬鄉筆述卷一

天津徐士鑾沅青輯

牛見垣兄弟中翰

內閣漢票簽中書舍人題名爲歙縣鮑子年觀察康官
中書時所編輯也冊中第三頁載牛射斗直隸天津人
順治口年由貢生到閣其次卽牛象斗注射斗弟直隸
天津人順治口年由廩貢生到閣檢閱舊邑志流寓人
物傳牛射斗字見垣山西長治人僑居天津順治間隨
洪經略承疇督理軍餉授中書舍人後隨征江南多所

肇畫次蕪湖卒於軍而象斗之名舊志闕焉續邑志恩
歲優貢生中未載於例貢例監內載牛象斗貢生太僕
寺少卿據中書舍人題名觀之牛射斗兄弟並注天津
人知見垣中翰僑寓天津卽占籍天津也津邑居民自
順治年來由各省遷來者約十之七八若牛氏兄弟實
爲津邑官中書舍人發端者也

牛中翰彝

中書舍人題名載牛彝直隸天津人順治四年出口貢
生到閣其名次僅後牛象斗二名是否見垣中翰一家

無從查攷案題名例凡祖孫父子兄弟叔姪先後到闈者必詳誌之如象斗名下注射斗弟是也抑當日排次或因無可稽攷闕載耶檢閱舊邑志續志皆無牛中翰之名長蘆鹽法志選舉錄貢生內載牛彝拔貢生官內宏文院中書舍人案中書舍人國初尙有文華殿武英殿內宏文院祕書院國史院之分牛中翰入官正國初時也

牛師竹祖孫中翰

中書舍人題名載牛稔文直隸天津人乾隆三十口年

由舉人到閣官至湖南督糧道又載牛鎮稔文孫直隸
天津人道光元年由舉人到閣官至安徽鳳陽府知府
冊後鮑子年正誤三識同閣吳纘先太守於厰肆得內
閣行走檔一冊見贈中敘牛鎮大興籍云檢閱津門詩
鈔牛鎮乃次原太僕坤之子師竹觀察稔文之孫中書
舍人題名牛鎮注天津人者因係稔文之孫蓋不知次
原太僕官戶部日改籍大興然觀太學題名錄牛坤固
注天津縣民籍也

王觀濤侍御

二則

吳伯新孝銘樞垣題名云軍機處之設始於雍正八年時用兵西北兩路以內閣在太和門外不足以昭慎重乃於隆宗門內置軍機房軍機章京題名編次蓋自雍正九年始直軍機房者仍皆選中書舍人之謹密者入直繕寫至乾隆二十年始間用部員而舍人猶十之八九也吾邑王觀濤侍御學海乾隆四十三年七月由內閣中書充補繼此爲先叔祖晴園中丞公旂乾隆六十年九月由內閣中書充補又齊秋帆觀察嘉紹嘉慶四年二月由內閣中書充補繼此吾邑充樞垣章京者尙

接踵有人然王觀濤侍御實爲津邑入樞垣者第一人
也

華少梅茂才光鼎脞錄載金芳舟先生玉珽字藕川黃
竹老人胞弟也性嗜琴曾繪圖照一幀題詠甚夥茲將
邑前輩題句錄出王意田學海五古云西風吹颯颯松
竹四圍繞山色淨無埃爽氣來林杪何處發清音幽人
坐雲表橫琴一再鼓逸韻自縹渺箇中真趣多悠然聲
漸杳老手善寫生滿幅煙嵐好披圖豁眼界令我塵懷
掃人生各有情雅俗殊襟抱鍾期不易逢伯牙悲宿草

安道具高風碎琴甘潦倒願君勿輕彈世上知音少少
梅所錄邑前輩詩十數家觀濤侍御之詩首列一見有
如獲拱璧者先是述記侍御首入樞垣一則搜尋詩文
不可得僅於津門詩鈔見梅樹君學博所識侍御數語
當謹記於心今得見侍御遺詩因檢詩鈔所載摘要錄
出張楚山先生湘家藏沽上題襟畫冊吳太守人驥送
楚山先生赴新城學博任作也徐東川部郎瀾有念湖
太守招集思源莊餞張楚山之新城分體七古一首詩
後注時乾隆乙未七月吳人驥繪思源莊送別圖王學